

**2015-imiit 2018 ilangullugu kommuneqarfinni tamani ataatsimik ivigaasanik qallikkamik arsaattarfiliornissaq siunertaralugu Namminersorlutik Oqartussat Kommuneqarfiillu isumaqatigiissusiornissaat isumageqqullugu kiisalu isumaqatigiissummi kommunit ivigaasanik qallikanik arsaattarfiit ingerlanneqarnerannut aserfallatsaaliorneqarnerannullu akisussaaffiup naammassinissaanut isumaqatigiissusiornissaq isumageqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.  
(Inatsisartunut ilaasortaq Anders Olsen, Siumut)**

**pillugu**

**Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliap**

**ISUMALIUTISSIISSUTAA**

**Siunnersuutip aappassaaneernejarnerani saqqummiunneqartoq**

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq, Ruth Heilmann, Siumut, Siulittaasoq

Inatsisartunut ilaasortaq, Per Berthelsen, Simut, Siulittaasup tullia

Inatsisartunut ilaasortaq, Randi Broberg Partii Inuit

Inatsisartunut ilaasortaq, Harald Bianco Inuit Ataqtigiit

Inatsisartunut ilaasortaq, Mimi Karlsen Inuit Ataqtigiit

Siunnersuut UPA14-mi ulloq 8. maj 2014 siullermeerneqareermat Ataatsimiititaliamit misissorneqarpoq.

### **Siunnersuutip imarisaa siunertaalu**

Piffissami 2015 - 2018-mi kommunini tamani ivigaasanik qallikkanik arsaattarfeqarlernissaanut tapiissuteqarnissaq pillugu kommunit Naalakkersuisullu isumaqatigiissuteqarnissaat Naalakkersuisut sulissutigissagaat aalajangiiffigisassatut siunnersuutikkut inassutigineqarpoq. Kommunit tapiissutinik pissarsinissaannut piumasqaataavoq arsaattarfiit ingerlanneqarnerannut aserfallatsaalineqarnissaannullu naammattunik aningaasassaqaarnissap qulakkeerneqarnissaanik akisussaaffitsik kommunit naammassisimassagaat.

### **Siunnersuutip Inatsisartuni siullermeerneqarnera**

*Naalakkersuisut arsaattarfiit ukiup ingerlanerani annikitsuinnarmik atorneqartarneri pissutigalugu inassuteqarput, ivigaasanik qallikkanik arsaattarfiliornermut paarlaallugu qulisanik arsaattarfiliortoqassasoq.*

*Naalakkersuisut ivigaasanik qallikkanik arsaattarfiliornermi akit misissorsimavaat sanaartornerlu 6,5 mio. kr.-nik akeqartussatut missingersorneqarluni, piunissaallu ukiunik 8-12-nik sivisussuseqartussatut naatsorsorneqarsimalluni. Arsaattarfiup eqqortumik atorneqarnera, paarineqarnera kiisalu aserfallatsaaliorneqarnera, piunissaata sivisussusaanik missingersuutigineqarsimallutik.*

*Taamaattumik Naalakkersuisut inassutigaat, immikkoortortamut aningaasaliissutit pioreersut iluanni kommunini sisamaasuni tamani qulisamik ataatsimik timersortarfiliortoqarnissaa.*

*Siunnersuutip inersuarmi suliarineqarnerani nalinginnaasumik siunnersuummut isumaqataasoqarpoq. Erseqqissaatigineqarpoq, ivigaasanik arsaattarfeqarnermi taamaalillunilu timersornermut sungiusarfissat pitsaannerusut anguneqarnerisigut arsaattartut kalaallit nunarsuarmiut tamat arsaattartuinut anngussinnaanerat. Ilanngullugulu erseqqissaatigineqarpoq arsaattarfiit nutaat pigineqalernerisigut nunarsuarmi arsaattartunik allanik ikinngutigiiittut unammeqateqarsinnaanermut periarfissat ammaanqassasut, soorlu Premier League aamma Champions League.*

*Partiip ataatsip siunnersuut saqqummiunneqartoq akerleraa, tassungali taarsiullugu siunnersuutigalugu Naalakkersuisunit sinaakkutissatut 600.000 kr.-it siunnersuutigineqartut timersuutinut sammisassanullu allanut atoraanni pitsaannerussasoq.*

### **Ataatsimiititaliap siunnersuummik suliarinninnera**

Ataatsimiititaliamit isummat assigiinngitsut oqaluserineqarput aammalu nunani tamalaani angissusissatut piumasqaatit naapertorlugit angissusilinnik arsaattarfinnik ivigaasanik qallikkanik, arsaattartut nunanit tamalaaneersut arsaaffigisinnaasaannik, sanasoqarnissaa taperserlugu.

Arsaattarfinnik ingerlatsinerup aserfallatsaaliinerullu kommunimit ingerlanneqarnissaat

ivigaasanik qallikkanik arsaattarfiliornissamut kommuninut tapiissuteqarnissami piumasaqaatitut erseqqissaatigineqartoq ataatsimiititaliamit maluginiarneqarpoq. Apeqqut taanna maannangaaq naliliiffigineqareersimammat ataatsimiititaliamit pitsaasutut isigineqarpoq siunnersuuteqartullu isumaa taparserneqarluni.

Qulisanik arsaattarfiliornissamik Naalakkersuisut siunnersuutaat ataatsimiititaliamit immikkut soqutiginaartut isigineqarpoq, timersortarfiimmi taamaattut arsaanerinnarmuunngitsoq aammali timersuutinut allanut atorneqarsinnaassammata, taamaalillutillu isiginnaartorpassuarnit timersortartorpassuannillu nunanit allaneersunit katersuuffigineqarsinnaammata.

Inatisitigut piareersaataasumik sulinermut atatillugu Naalakkersuisut akissuteqaataanni ataatsimiititaliap makku annertunerusumik tusagaqarfigerusuppai.

Qulisanik arsaattarfiliornerni pilersaarutit piviusunngortinneqarnerisa aallartinneqarnisaannut Naalakkersuisunit kommunit peqataatinneqarniarpat?

Arsaattarfiit qulifat pilersaarusionerqarnerini piffissaq qanoq sivilutigsoq atorneqassava kinguneranillu sanaartorneup aallartinnissaa qaqugu piariissava?

Ineqarnermut Naalakkersuisoqarfiup suliniutit aallartinneraniit suleqatitut isumasiorneqartarnissaa ataatsimiititaliamit kaammattuutigineqarpoq.

### **Siunnersuutip aningaasatigut kingussai**

Inatsisartut suleriaasianni § 33, imm. 1-imi allassimavoq aalajangiussassatut siunnersuutip piviusunngortinnissaannut aningaasatigut allaffissornikkullu kinguneqaatissat siunnersuummut tungavilersuummi nassuiarneqassasut.

Siunnersuutip piviusunngortinneqarnerani aningaasatigut kingunerisassat tamatumunnga naapertuuttumik siunnersuummi nalunaarneqartut ataatsimiititaliamit maluginiarneqarpoq, taamaalillunilu ukiuni tulliuttuni sisamani katillugit 25,8 mio. kr. missaat imaluunniit arsaattarfimmut ataatsimut 6,45 mio. kr.-it missaat aningaasanut inatsimmi immikkoortinneqassallutik.

Aki taanna Ineqarnermut Assartuinernullu Naalakkersuisoqarfimmit 2012-mi suliarneqarsimavoq takuneqarsinnaallunilu "Kalaallit Nunaanni ivigaasanik arsaattarfiliornissami pilersaarusionerme assigiissarinerme malitassiaq",-mi.

Tunnjavissatut pigineqartut tunngavigalugit allatut naliliinissani ataatsimiititaliap pissutissaqartinnigilaa. Taamaalilluni ataatsimiititaliap tatigaa pilersaarummik assigiissaakkamik saqqummiussinnginnerminni apeqqut tamanna Naalakkersuisut sukumiisumik misissorsimagaat.

600.000 kr.-nik immikkoortitsinissamik Naalakkersuisut siunnersuutaat nunatta karsianut aningaasartuutaassanngilaq, tassa aningaasat Naalakkersuisoqarfimmut aningaasaliissutaareersunit immikkoortinneqassammata.

### **Ataatsimiititaliap inassuteqaatai**

600.000 kr.-it kommunini sisamaasuni tamani silami timersornermut atugassamik qulisamik ataatsimik sananissaq pillugu kommunit suleqatigalugit pilersaarusiornissamut atugassat naalakkersuisoqarfiup suliassaqarfiinut atugassiissutigineqartut iluanni immikkoortinneqarnissaannik Naalakkersuisut siunnersuutaat akuerineqassasoq **ataatsimiititaliamit isumaqatigiittumit inassutigineqarpoq.**

Taama oqaaseqarluni isumaliutissiisummilu allassimasutut paasinnilluni siunnersuut ataatsimiititaliamit aappassaanniigassanngortinneqarpoq.



Ruth Heilmann, Siulittaasoq



Per Berthelsen



Randi Broberg



Mimi Karlsen



Harald Bianco